



TITTELI	SANDRA
OHJAUS	David Wramneby
VUOSI	2012
PITTOUS	8 min
MAA	Ruotti
SUOS IKÄ	4 vuotta
OHJE	Nina Nykvist

TULOSTETTU VÄRSUUNI  
[WWW.FILMCENTRUM.SE](http://WWW.FILMCENTRUM.SE)

## KERTOMUS

Sandra on viisivuotias, joka on omale mammale alerkinen. Vai onkhaan mamma alerkinen sille?

Aivan varma on kuitenkin se, ette net ei kohtaa niin useasti ko Sandra halvaa. Ja Sandra alkaa hunteeraahmaan kunka hään tämän ongelman ratkasee.

Ensin se hakkee apua tohturilta, joka vakkuuttaa, ette sitä ei saata olla omale mammale alerkinen. Mutta ko Sandra saapi sukeluskampheet syntymäpäivälahjaa, ja lainaa mamman kymmihanskat, se saattaa laittaa kunnan alerkiisuojan! Sandra ja sen mamma saattava olla yhdessä, likelä toisia, taasen. Tämä vähän mystinen kertomus on ”tavalisesta” perheestä, jossa on eriskummallinen ongelma, ja vielä poikkeavan makeassa filmin muo’ossa.

Joka kuva on ko karamälli, musikki on kiehtova ja herkkä, ja Sandra on aivan uskottava koko hänen tunnerejisterissä.

Filmi on ko tehty keskustelua varten, monesta tärkeästä asiasta.

## EHOTUS JOHANTOA VARTEN

Sandrala on kummallinen alerkii. Se ei ole alerkinen kissankarvoile, taikka tomule, taikka pähkinöile. Mutta rohki tuuri, ette se hoksaa ...



### FILMIN TEEMA

Miltäs vanhemman kaipu tuntuu? Huolimatta siitä jos se johtuu vanhemman stressistä, työstä taikka pojessa olostä ja muista syistä niin tyhjyyden tunne on useasti kouhriintuntuva ja se vaikuttaa lapsen koko olemas-saolhoon.

Saattaakos lapsi ”ottaa asian hoiettavaksi itte” ja ratkasta meän hankalat ongelmat? Se piiaini ei ole niink-hään tavalista, mutta se ette saapi kuula kertomuksen, jossa lapsi sen toela tekkee saattaa tuntua vahvistavalta!

Sandra käypi läpi kriisin; surusta päättäväsyytheen, ja suuttumuksheeh ja selviytheen ja viimen rauhalisu-utheen ja ilhoon, ko ongelma on ratkastu. Se on jotaki mitä viisvuotihaat kohta joka päivä kokeva.

### STRESSI

Kotona raahvaat saattava joskus olla stressattuja. Kunkas sen havattee? Mistäs met näemä ja koema ette Sandran mamma on stressattu? Koskas sie itte tunnet olevasti stressattu? Miltäs se tuntuu? Missäs kurenon paikoissa stressi on? Oonkos esikoulussa stressisiä hetkiä? Puhukaa siitä, piiaini tet yhdessä saatatta saa’a loistavia aatoksia, justhiinsa niinku Sandra, ja niin vähentää stressiä!

### APUA KOTIELUKOILTA

Elukat ei saata puhua, mutta met saatama saa’a apua niiltä muula mallin. Juuri filmin alussa met näemä, ette Sandra tykkää kovasti omasta kultakalasta, ja se on ko Sandra piättää kultakalamaljaa se saapi aatoksen mikä ratkasee ongelman. (Met oikein havattemma koska aatos ilmestyy, ko lamppu syttyy sen pääh yli!). Miltäs kultakalala on maljassa mikä auttaa Sandraa? Oletkos sie koskhaan saanu apua ko sulla on ollu ongelmia?

### VIHASTA MUSIKKIA

Kuuntele filmin musikkia. Ko Sandra suuttuu tullee ekstra paljon ääntä trymmoista. Mikäs instrymäntti passaa ko sitä on ilonen? Ko sitä on surulinen? Kokkeile eri instrymänttiä ja kuuntele ja tunne miltä kuulostaa. Äänitä mielelä pieniä filmiä ja laita päälle ”oikeata” musikkia!

### PAIKKA MISSÄ ASUT

Filmi alkaa teknatulla kaupunkilla ja met lähentelemmä Sandraa, joka istuu klasin vieressä ja riittaa. Tehe kuva siitä ko SIE istut klasin vieressä SINUN talossa, missä SIE asut. Oonkos sinun talon ympärillä muita taloja? Oonkos puistoja, mettiä ja teitä sielä? Miltäs sie pruucaat nähä taihvaala? Näetkös sie elukoita? Piiliä? Ihmisiä? Käytä mielelä pänniä, kriittoja, kuvia ja färi-kuvia avisista – tehe kollaasi!